

RADUNANZA CUMÜNELA

104. Protocol dals 15-02-2023 - 20.15 h

Il vicepresidente cumünel, sar Ramun Ratti, po salüder 48 personas cun dret da vuscher, v.d. 7% dal totel da las votantas e dals votants, a la radunanza cumünela illa Seletta da la scoula primara Zuoz.

Aunz cu entrar illas tractandas dumanda il vicepresidente la radunanza cumünela da ster sü per ün mumaint da silenzi in onur da sar cusglier Luis A. Wieser, chi'd es disgrazcho ils 12 december 2022.

Siand cha nu sun tractandos üngüns affers chi dumandan üna votaziun, constata il vicepresidente cha que nu fo dabsögn da tscherner scrutinaduras e scrutinaduors.

L'invid e la glista da tractandas per quista radunanza sun gnidas tramissas tenor constituiziun. Our dal ravuogl da la radunanza cumünela nu do que remarchas u objecziuns, dimena aintra il vicepresidente illas tractandas.

612 01 Organisaziun da vschinauncha
 01.C Radunanza cumünela
 01.D.01 Approvaziun protocol

1. Protocol da la radunanza cumünela dals 23 november 2022

Il vicepresidente cumünel declera cha'l protocol da la radunanza cumünela dals 23 november 2022 es sto publicho vi da la tevla naira e sülla pagina d'internet da la vschinauncha dals 24 december 2022 fin ils 25 schner 2023. Ils votants e las votantas haun temp 30 dis düraunt il temp da publicaziun per inoltrer eventuels recuors cunter il protocol. Siand cha que nu d'eira il cas vela il protocol automaticamaing scu accepto. Il president ingrazcha al chanzlist per la cumpilaziun.

613 01 Organisaziun da vschinauncha
 02.H Votaziuns ed elecziuns
 02.H.02 Tschernas da Chalandamarz

2. Propostas per las tschernas da Chalandamarz 2023

Il vicepresidente cumünel declera la situaziun cumplessiva a las tschernas da Chalandamarz e spiega las differentas caricass e düredas da telas:
 (in cotschen las caricass in tscherna)

Presidi cumünel	Temp d'uffizi restant	Prosuma reelecziun pussibla	Remarcha
Gilli Andrea	1 an	2024	Demischiun

Cussagl cumünel	Temp d'uffizi restant	Prosuma reelecziun pussibla	Remarcha
Ratti Ramun	0 ans	Limit da temp d'uffizi	
Florin Christian	0 ans	Limit da temp d'uffizi	
Wieser Luis †	1 an		
Schucan Luzi	1 an	Limit da temp d'uffizi	
Tarnuzzer Ladina	2 ans	2025	
Ferrari Cristian	2 ans	2025	

Cumischiun sindicatoria	Temp d'uffizi restant	Prosuma reelecziun pussibla	Remarcha
Delnon Jachen	0 ans	2023	Demischiun
Masüger Heinz	1 an	Limit da temp d'uffizi	
Arquint Niculin	2 ans	2025	

Cumischiun da fabrica	Temp d'uffizi restant	Prosuma reelecziun pussibla	Remarcha
Albertin Remo	0 ans	2023	
Camichel Lotar	1 an	2024	
Salzmann Marco	2 ans	2025	

Cun quista survista es la situaziun a regard tuot las caricas preschanteda transparenta-
maing. Our dal ravuogl da la radunanza nu do que üngüinas dumandas u remarchas. Per
las caricas in tscherna vegnan nominedas our da la radunanza cumünela seguaintas per-
sonas per las caricas in tscherna:

Presidi cumünel	1 sez	Tscherna da rimplazzamaint	Per 1 an
------------------------	--------------	-----------------------------------	-----------------

Duonna Ladina Tarnuzzer

Sar Romeo Cusini

Cussagl cumünel	1 sez	Tscherna da rimplazzamaint	Per 1 an
------------------------	--------------	-----------------------------------	-----------------

Sar Flurin Wieser

Cussagl cumünel	2 sez	Tscherna regulera	Per 3 ans
------------------------	--------------	--------------------------	------------------

Duonna Alexandra Blumenthal

Sar Jachen Delnon

Sar Balthasar Willy jr.

Cumischiun sindicatoria	1 sez	Tscherna regulera	Per 3 ans
--------------------------------	--------------	--------------------------	------------------

Duonna Andrea Hardegger

Cumischiun da fabrica	1 sez	Tscherna regulera	Per 3 ans
------------------------------	--------------	--------------------------	------------------

Sar Remo Albertin

Cussagl da scoula	1 sez	Tscherna regulera	Per 3 ans
--------------------------	--------------	--------------------------	------------------

Duonna Karin Casty

Ulteriusas propostas per las tschernas paun gnir inoltredas fin venderdi, ils 17 favrer 2023 a las 16:00h, in scrit sülla chanzlia cumünela.

- 614 01 Organisaziun da vschinauncha
 01.C Radunanza cumünela
 01.C.05 Infurmaziuns

3. Orientaziuns

Svilup edifizis da scoula – proget Plagnoula: Sar cusglier Luzi Schucan infurmescha cha sün basa dad ün stüdi da potenziel continuescha l’evaluaziun per ün svilup da l’infrastruc-tura per la scoula. Il stüdi da potenziel ho musso sü, cha Plagnoula es il güst lö per ün svilup in connex cun scoula. In ün prossem stüdi vain evaluada la situaziun in Plagnoula, eir in connex culla chesa da scoula existenta, in detagl a regard dovairs e differentas variantas pussiblas. Per quistas lavuors, fin tar üna concorrenza da progets accompagna il büro Maurizio Architechten AG la vschinauncha da Zuoz. Il böt es da preschanter in radun-anza cumünela d’utuon da quist an las variantas detagliadas.

Ün votant dumanda, scha sun in connex cun quist agir eir gnidas fattas ponderaziuns per realiser abitaziuns per indigens e spazi per la misteraunza. El es da l’avis cha la parcella in Plagnoula es predestineda per üna spüerta eir publica per mantgnair vita i’l minz. Sar Luzi Schucan respuonda cha cul agir planiso vain liber la Chesa dals Pesters, chi sto alura a disposiziun per oters adövers. Impü es il cussagl cumünel landervi da sclarir sün otras parcelas da pudair pussibiliter acziuns illa direcziun dumandada.

Provedimaint d’ova – situaziun actuela: Sar cusglier Cristian Ferrari do la declaraziun pel fat cha actualmaing nun es ova in divers bügls ed eir in divers quartiers ho stuvieu gnir serreda giò l’ova per cuort temp da not. Il fat es cha’l servezzan tecnic ho constato süls systems digitels üna perdita d’ova. Causa cha quella nun es visibla u gnida rapporteda es il servezzan tecnic landervi da tschercher ün dan vi dad üna lingia. Que’s tratta effectiv da la tschercha da l’aguoglia i’l mantun da fain, siand cha que nu do üngünas indicaziuns inua cha que pudess esser.

2. scrutin tschernas da Chalandamarz: Il vicepresidente orientescha cha ün eventuel 2. scrutin per las tschernas da Chalandamarz ho lö in dumengia ils 26 marz 2023.

- 615 01 Organisaziun da vschinauncha
 01.C Radunanza cumünela
 01.D.02 Varia

4. Varia

Il vicepresidente gratulescha in nom dal cussagl cumünel e da la populaziun da Zuoz a sar Andj Willy per la victoria a la cuorsa da skijöring dal White Turf. El gratulescha eir a duonna Cristina Seeberger ed a sar Claudio Enz, chi mainan üna garascha dad autos a Zuoz, per la victoria a la „Rallye Monte Carlo Historique“.

Zieva cha ün votant ho già a l’ultima radunanza cumünela dumando sur da la situaziun da la ditte da falegnam i’l Center Sur En, dumanda el darcho, scu cha que guard’oura. Il vicepresidente respuonda cha la situaziun es aunch’adüna la listessa scu in november 2022.

Ün votant dumanda scu cha la situaziun cul chesin dal vegl runel Albanas sülla muntagna es, e voul savair, scha quella resta u vain alluntaneda. Il vicepresident piglia incunter la dumanda, pissera pels sclarimaints necessaris e do üna resposta in merit a la prosm'ocasiun.

Zieva cha nu vain pü dumando il pled ingrazcha il vicepresident cumünel a las votantas ed als votants per la cumparsa e serra la radunanza a las 20:31 h in giavüschand a tuots üna bella saira.

La prosma radunanza cumünela ho lö ils 21 gün 2023. Il vicepresident sperescha sün üna partecipaziun numerusa.

In buna fè
il vicepresident l'actuar

Data da publicaziun:
Zuoz, ils 21 favrer 2023